

Տ. ՓԱՌԵՆ ԵՊԻՄԿՈՂՈՍ ԱՎԵՏԻՔՅԱՆԻ ՁԵՌԱՄԲ ՕԾՎԵՅ ԿԱՐՄՐԱՎՈՐ Ս. ԱՍՏՎԱԾԱԾԻՆ ԵԿԵՂԵՅԻՆ

Մեպրեմբերի 12-ին, Խաչվերացի փոռի օրը, կրկնակի ուրախության ու բերկրանքի փոռ էր Արագածոտնի թեմի հավաքացյալների համար, քանզի ձեռամբ Տ. Փառեն եպիսկոպոս Ավետիքյանի օծվեց Է դարի հայ ճարտարապետության գոհարներից մեկը՝ Կարմրավոր Ս. Աստվածածին եկեղեցին: Եկեղեցու վերանորոգման և փարածքի բարեկարգման աշխատանքները կատարվել են Հայ Եկեղեցու ամերիկաբնակ բարերար Հովհաննես Մկրյանի անմիջական աջակցությամբ:

Օծման արարողությունից հետո Փառեն Սրբազանը բոլորին շնորհավորեց հիշարժան օրվա առիթով՝ մաղթելով, որ այսուհետ միշտ Կարմրավոր Ս. Աստվածածին եկեղեցու Ս. Մեղանից Տիրոջ մարմինն ու արյունը բաշխվի հայ հավաքացիացի բազմությանը:

«Հիշարժան պահ է ամենքիս համար, քանզի ևս մեկ աղոթքի փոռն է բացվում Հայոց աշխարհում: Մեր աղոթքն է առ Բարձրյալն Աստված, որ այս հոյակերպ եկեղեցին լինի Աստծո և մարդու հանդիպման վայր, ուր ամենքս կարող ենք մեր ցավերը, հոգսերը կիսել Տիրոջ հետ, մեր խնդրանքները ներկայացնել Ամենակալին և, ինչու չէ՞ նրա շնորհները ստանալ Ս. Հաղորդության միջոցով», - նշեց Սրբազան Հայրն իր խոսքում:

Տ. Փառեն եպ. Ավետիքյանը նաև փնդեկացրեց, որ Ամենայն Հայոց Կաթողիկոսի Սրբաբառ Կոնդակով, ի գնահատություն եկեղեցու բարերար Հովհաննես Մկրյանի եկեղեցաշեն և ազգանվեր գործունեության, նա պարգևատրվում է Հայ Առաքելական Եկեղեցու «Ս. Ներսես Շնորհալի» պատվո բարձր շքանշանով: Հայրապետական կոնդակն ընթերցեց Արագածոտնի թեմում Ամենայն Հայոց Կաթողիկոսի ներկայացուցիչ Տ. Թորգոմ արք. Տոնիկյանը:

«Հապկապես նոր հազարամյակում սկսված եկեղեցաշինական հսկայածավալ աշխատանքներին մասնակից լինելու այն զգալի ներդրումն ու ոգին, որոնցով Դուք ազնիվ բարերարությամբ կյանքի կոչեցիք Արագածոտնի թեմի Կարմրավոր Սուրբ Աստվածածին եկեղեցու վերանորոգման աշխատանքները, վկայությունն են Ձեր ջերմ հայրենասիրության և Առաքելական Սուրբ Եկեղեցու հանդեպ որդիական անմնացորդ նվիրումի ու հավատարմության: ...Ուրախությամբ ենք հաստատում, որ ապրելով Հայաստանից հեռու՝ Դուք Ձեր սրբում կրելով Մայր Հայրենիքը, նրա հոգսերի ու խնդիրների արդյունավոր լուծման ազնիվ փափագը, ձեռք եք մեկնում աջակցության և օգնության: Կարևորելով հոգևոր անանց արժեքների և նվիրական սրբությունների շուրջ համախմբվելու ամուր կամքն ու գիտակցությունը՝ Դուք մնայուն ավանդ եք բերում նաև համազգային մեր կյանքում նորանոր հաջողությունների ամրագրմանը՝ օգտակար լինելով հայ ժողովրդին ու մեր Սուրբ Եկեղեցուն», - ասվում է Հայրապետական Սրբաբառ Կոնդակում:

Արարողությանը մասնակցում էին Տ. Սասուն ծ. վրդ. Զմրուխտյանը, Արագածոտնի մարզպետ Գաբրիել Գյոզալյանը, մշակույթի և արվեստի գործիչներ:

ՄԱՅՐ ԱԹՈՒ Ս. ԷԶՄԻԱԾԻՆ
ՏԵՂԵԿԱՏՎԱԿԱՆ ՀԱՄԱԿԱՐԳ